

Samostalna zastupnica - Arijana Memić
Samostalna zastupnica - Elza Gaković
Narod i pravda – Mersiha Mehmedagić
Sarajevo, 21.11.2025. godine

ZA:

Vlada Kantona Sarajevo
Ministarstvo za rad, socijalnu politiku, raseljena lica i izbjeglice Kantona Sarajevo

U skladu sa članom 106. i 213. Poslovnika o Skupštine Kantona Sarajevo, dostavljamo:

INICIJATIVA

za nabavku i instalaciju sistema automatske protivpožarne zaštite – prskalica (sprinklera) za potrebe JU “Gerontološki centar” Kantona Sarajevo.

OBRAZLOŽENJE

Podnosimo inicijativu za nabavku i instalaciju sistema automatske protivpožarne zaštite – prskalica (sprinklera) u objektima JU “Gerontološki centar” Kantona Sarajevo, s ciljem unapređenja sigurnosti korisnika, zaposlenika i imovine ove ustanove.

JU “Gerontološki centar” Kantona Sarajevo zbrinjava stariju i posebno osjetljivu populaciju, uključujući osobe smanjene pokretljivosti, korisnike s hroničnim oboljenjima i osobe koje u slučaju požara nisu u mogućnosti samostalno reagirati ili napustiti objekat. Upravo zbog toga, rizik od teških posljedica u slučaju požara je izuzetno visok.

Uvođenje sistema automatskih prskalica predstavlja jednu od najučinkovitijih mjera pasivne i aktivne protivpožarne zaštite. Ovaj sistem omogućava:

brzo automatsko reagovanje u slučaju izbijanja požara,

lokalizaciju i gašenje požara u njegovoj početnoj fazi,

smanjenje rizika po ljudske živote,

značajno smanjenje materijalne štete,

dodatno vrijeme za evakuaciju korisnika i intervenciju vatrogasnih službi.

Posebno naglašavam da su ovakvi sistemi standard u ustanovama socijalne i zdravstvene zaštite u razvijenim zemljama, te da njihova ugradnja predstavlja ne samo pitanje sigurnosti, već i odgovornosti institucija prema jednoj od najranjivijih kategorija društva.

S obzirom na starost objekata, broj korisnika, te složenost evakuacije u vanrednim situacijama, smatramo da je neophodno:

izvršiti stručnu procjenu protivpožarne sigurnosti objekata JU “Gerontološki centar” KS,

planirati i osigurati sredstva u Budžetu Kantona Sarajevo za nabavku i ugradnju sistema automatskih prskalica,

realizirati projekat u fazama, ukoliko je potrebno, uz poštovanje važećih zakonskih i tehničkih propisa.

Ova inicijativa ima za cilj prevenciju, zaštitu ljudskih života i stvaranje sigurnijeg okruženja za korisnike i uposlenike Gerontološkog centra, te očekujemo da se ista razmotri i uvrsti u planove nadležnih institucija i Budžeta za 2026. godinu.